





SENTENCE
CONTRE RAMUS


84










VCN 6- 6487



















AP

SENTENCE DONNEE

Par le Roy contre maistre Pierre
Ramus, & les Liures Cópósez
par icelluy contre Aristote.

Prononcée a Paris Le

xxvi. de mars.

1543.

Auant Pasques.

BIBLIOTHÈQUE

de

MR COUSIN

6487

On les vend a Paris en la rue saint
Iacques. Par Benoist de Gourmont. A l'en-
seigne des trois Brochetz.

SENTENCE DONNÉE

Par le Roy contre maître Pierre

Ramus & les siens Copoles

particuliers contre Auteurs

Promués à Paris le

xxvi de mars.

1743.

Avant Pâques.

On les vend à Paris en la sainte

Proques. Par Benoît de Gournon. A la

signature des trois Broches.



FRANÇOIS PAR

La grace de dieu Roy de Frâce A Tous
 ceulx qui ces presentes lettres verront Sa
 lut. Comme entre les aultres grandes so
 licitudes que nous auons tousiours eues
 de bien ordonner & establir la chose pu
 blique de nostre Royaulme nous ayons mis toute la
 peine que possible nous a este de laccroistre & enrichir
 de toutes bonnes lettres & sciences a lhonneur & gloire
 de nostre seigneur, & au salut des hōmes. Et puisnagueres
 aduertiz du trouble aduenu a nostre chere & bien
 aymee fille luniuersite de Paris a cause de deux liures
 faitz par Maistre Pierre Ramus intitulez lung Diale
 ctice institutiones. Et laultre Aristotelice Animaduer
 siones. Et des proces & differentz qui estoient pendans
 en nostre court de parlemēt audit lieu entre elle et le
 dit Ramus pour raison desdictz liures Nous les eussions
 euoquez a nous pour sommairement & promptement y
 pourueoyr. Et a ceste fin eussions ordonne que Maistre
 Anthoyne de Gouea qui sestoit presente a impugner &
 debatre lesdictz liures, & ledit Ramus qui les soustenoit
 & deffendoit esliroient & nommeroient de chascun co
 ste deux bons & notables personaiges cognoissantz les
 langues Grecque & latine scauantz & experimentez en
 philosophie & que nous eslirions & nommerions vng
 cinquiesque pour visiter lesdictz liures ouyr lesdictz de
 Gouea, & Ramus en leurs disputes & debatz & sur tout
 nous donner leur aduis. Suyuant laquelle nostre ordon
 nance eust ledit de Gouea esleu & nomme Maistre Pier
 re Danes & Francoys de vicomercato. Et ledit Ramus
 Maistre Iehan Quentin docteur en decret Et Iehan de
 Bomont

Bomont docteur en medecine . Et nous pour le cinquiesme eussions nomme & ordonne nostre cher & bien ayme maistre Iehan de Salignac docteur en theologie . Par deuant lesquelz lesditz de Gouea & Ramus eussent este oyz en leur dispute & debatz iusques a ce que pour entrerompre l'affaire icelluy Ramus se seroit porte pour appellant desdictes censeurs dont nous aduertiz eussions decerne nos lettres a nostre preuost de paris ou son lieutenant pour contraindre lesditz de Gouea & Ramus a parfaire leurs disputes affin que par lesditz censeurs nous fut donne ledit aduis nonobstant ledit appel & aultres appellations quelzconques Suyuant lesquelles noz lettres eussent lesditz de Gouea & Ramus de rechef comparu par deuant lesditz censeurs Et voyant par icelluy Ramus que lesditz liures ne se pouroient soustenir eust declaire nen vouloyr plus disputer & qui les soubmettroit a la censure dessusdictz . Et comme lon y vouloit proceder lesditz Quentin & de bomont lung apres lautre eussent declaire ne sen vouloyr plus entremettre Au moyen dequoy eust icelluy Ramus este forme & requis den eslire & nommer deux aultres . Ce quil neust voulu faire & se fust du tout soubzmis aux troys aultres dessus nommez, Lesquelz apres auoir le tout veu & considere Eussent este daduis que ledit Ramus auoit este temeraire arrogant & impudent dauoir reproune & condamne le train & art de logicque receu de toutes nations que luy mesmes ignoroyt Et que par ce que en son liure des Animaduersionz il reprenoit Aristote estoit euidentement cogneue & manifestee son ignorance voire quil auoit mauuaise volente de tant quil blasmoit plusieurs choses qui sont bonnes & veritables & mettoit sus a Aristote plusieurs choses a quoy il ne pensa oncques Et
en fom-

en somme ne contenoit sondit liure des Animaduersion
 que tous mensonges & vne maniere de mesdire tellemēt
 qui leur sembloyt estre le grand bien & prouffit des let-
 tres & sciences que ledit liure fust du tout supprime sem-
 blablement lautre dessusdict intitulé Dialecticę institu-
 tiones comme contenant aussy plusieurs choses faulses &
 estranges. **SCA VOIR FA ISONS** Que veu par nous
 ledit aduis & eu sur ce aultre aduis & deliberation avec
 plusieurs scauans & notables personaiges estātz lez no^r
 auons condamnē supprime & aboly condamnons suppri-
 mons & abolissons lesdictz deux liures lung intitulé dia-
 lecticę institutiones Et lautre Aristotelicę animaduer-
 siones Et auons faict & faisons inhibitions & deffences
 a tous imprimeurs & libraires de nostre Royaulme Pays
 terres & Seigneuries & a tous aultres noz subgectz de
 quelque estat & condition quilz soyēt quilz nayent plus
 a en imprimer ou faire imprimer aucuns ne publier vé-
 dre ne debiter en nostredit Royaulme pays & seigneu-
 ries soubz peine de confiscation desdictz liures & de pu-
 gnition corporelle Soynt quil soient imprimez en iceulx
 noz Royaulmes pays terres & seigneuries ou aultres li-
 eux non estans de nostre obeissance Et semblablement
 audit Ramus de ne plus lire lesdictz liures ne les faire
 escrire ou copier publier ne semer en aucune maniere
 ne lire en Dialecticque ne philosophie en quelque ma-
 niere que ce soit sans nostre expresse permission Ausy
 de ne plus vser de telles mesdisantes & inuectiues contre
 Aristote ne aultres autheurs anciens receuz & approu-
 uez ne contre nostredicte fille luniuersite & suppostz di-
 celle soubz les peines que dessus. **SI DONNONS EN**
MANDEMENT. Et comectons par ces presentes A
 nostredit preuost de paris ou a son lieutenant conser-
 uateur

uateur des priuileges par nous & noz predecesseurs
Rois donnez & octroyez a nostredicte fille Luniuersite
que nostre present iugement & ordonnance il mette ou
face mettre a deue & entiere execution selon sa forme
& teneur Et a ce faire souffrir & obeyr contraingne &
face contraindre tous ceulx quil appartiendra Et pource
feront a contraindre par toute voyes & manieres deues
& raisonnables Nonobstant oppositions ou appellations
quelzconques pour lesquelles ne voulös estre differe Et
pource quil est besoig faire notiffier nosdictes deffences
en plusieurs lieux de nostre Royaulme terres & seigneu-
ries affin de les faire obseruer Nous voullons que au vi-
dimus dicelles faict soub seel Royal ou signe par colla-
tion par lung de noz aymez & feaulx notaires & secre-
taires soit adiouxtee comme au present Original Man-
dons en oultre a tous noz aultres iusticiers & officiers &
a chascun deulx sicomme a luy appartiendra que nosdictz
deffences & inionctions ilz facent obseruer en procedat
par eulx contre les infracteurs dicelles sy aucuns en ya
par les peines cy dessus indictes & aultres quilz verront
estre a faire par raison **EN T E S M O I N G** De ce nous
auös faict mettre nostre seel a celsdictz presentes **DONNE**
A Paris le dixiesme iour de mars Lan de Grace mil cinq
cens Quarante troys & de nostre regne le Trentiesme.


Ainsi signe sur le Reply Par le Roy vous present De-
lachefnaye Et seellees du grant seel sur double queue de
cire Iaulne.

Collation faicte A Loriginal Par les
notaires foubz signez Lan mil cinq
cens quarante troys le vendredy.xxi.
iour de mars.


Collation faite A l'original Par les
notaires soussignés Par mille cinq
cents quarante trois le vendredi .xxi.
jour de mars.




















VCM 6= 6487



1156523268

